

**1266.** Посадиша Пльсковичи у себе князя Довмонта Литовского. Того же лета вложи Бог в сердце Довмонту благодать свою побороти по святой Софьи и по святой Троице отмстить кровь христианскую и поиде с Пльсковичи на поганую Литву, и повоеваша много, и княгиню Герденевую взяша, и 2 княжича взяша. Князь же Гердень совкупи около себя силу Литовскую, и погонися по них. И яко уведаша Пльсковичи погоню, отслаша полон, а сами сташа крепко противу им по сю сторону Двины. Литва же начаша бродитися по сю сторону; тогда Пльсковичи сняшася с ними; и пособи Бог князю Довмонту с Пльсковичи, и множество много их побиша, а инии в реце истопиша, только убежа один князь Гердень в мале дружине; Пльсковичи же придоша вси здоровы. Того же лета, на зиму, ходиша паки Пльсковичи на Литву с князем Довмонтом.

**1267.** Того же лета ходиша Новгородцы с Елеферьем Сбыславичем и с Довмонтом с Пльсковичи на Литву, и много их повоеваша, и приехаша вси здоровы.

**1268.** Сдумаша Новгородцы с князем своим Юрьем, хотеша идти на Литву, а инии на Полтеск, а инии за Нарову; и яко быша на Дубровне, бысть распря, и вспятишася и поидоша за Нарову к Раковору, и много в земли их потратиша, а город не взяша. ... И совокупившеся все князи в Новгород: Дмитрий, Святослав, брат его Михайло, Костянтин, Юрьи, Ярополк, Довмонт Пльсковский, и инех князей неколико, поидоша к Раковору месяца генваря 23; и яко внидоша в землю их, и разделишася на 3 пути, и много множество их повоеваша; ... И оттоль поступиша к Раковору; и яко быша на реце Кегол, и ту усретоша стоящь полк Немецкий; и бе видят яко лес: бе бо свкупилась вся земля Немецкая. Новгородцы же не умедлячи немало, поидоша за ними на реку, и начаша ставити полкы: Пльсковичи же сташа по правой руце, а Дмитрий и Святослав сташа по праву же выше, а по леву ста Михайло, Новгородцы же сташа в лице железному полку противу великой свиньи; и тако поидоша противу собе; и яко сступишася, бысть страшно побоище, яко не видали ни отцы, ни деды. И ту створися зло велико: убиша посадника Михаила, и Твердислава Чермного, Никифора Радятинича, Твердислава Моисеевича, Михаила Кривцевича, Ивача, Бориса Ильдятинича, брата его Лазаря, Ратшю, Василя Воиборзовича, Осипа, Жидослава Дорогомилевича, Поромана Подвоиского, Полюда, и много добрых бояр, а иных черных людей бещесла; а иных без вести не бысть: тысяцкого Кондрата, Ратислава Болдыжевича, Данила Мозотинича, а иных много, и Бог весть; а Пльскович же и Ладожанин; а Юрьи князь вда плечи, или перевет был в нем, то Бог весть. (Дальше христианская проповедь.) ... и гониша их бьуче и до города, в 3 пути, на семь верст, якоже не мочи ни коневы ступити трупев. И тако вспятишася от города, и узреша инии полчищь свинью великую, которая бяше вразилась в возникы Новгородские; и хотеша Новгородцы на них ударити, но инии рекоша: "уже есть вельми к ночи, еда како смятемся и мобиемся